



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

19. Dies Decembris. Dignus planè est morte, qui tibi recusat vivere.

**urn:nbn:de:hbz:466:1-45477**

volare, non potero te amare? En Christe; quia tu es Dominus cæli, & terræ, totius cæli, & terræ stipatus amoribus: Tibi procumbo, quidquid hîc, vel illic immortalium flammarum collucet, illud totum tibi repræsentio; ut amoris mei suppleant defectum. Illic in regione Veritatis gaudebo, videns in te uno, omne verum.

*Est pro ventre merum; pro mente, & pectore verum.*

### 19. DIES DECEMBRIS.

Dignus planè est morte, qui tibi recusat vivere. *Bernard. super Cant.*

Christus I.  
est vita.

**C**Ui potius oportet vivere; quam ei, cui omnia vivunt? in quo vivimus, movemur, & sumus? qui est Auctor omnis vitæ; qui est vita vitæ nostræ, qui sibi viventibus promittit vitam æternam? An non dignissimus morte, & quidem æternâ, & in eâ pœnis sempiternis, qui recusat ei vivere; ex quo, per quem, & in quo est omnis vita? Vivere Christo; est mori mundo; mori mundo, est nihil sapere eorum, quæ sunt mundi. Sicut cadaver; si induatur purpurâ, & bysso, & non erigit cristas; si ab omnibus, ut Dominus omnium, prono capite honoretur; varii procures, eum ut Regem omni prosequantur cultu, non inflatur fastu: si illi apponantur selectissima fercula, suavissima bellaria, generosum massicum; nullum prodit famis indicium, edendi desiderium: omnia ei, quæ expetunt omnes, offerantur; ita se gerit, ac si nihil offerres; caret omni motu, & sensu. Si talem te exhibeas circa bona mundi; mortuus es mundo: & sic

sic mori mundo, est vivere Christo. Potestne fingi  
beatior vita; quam ejus, qui potest verè sine fūco di-  
cere cum Paulo: *Vivo ego, jam non ego; vivit verò in me  
Christus?*

II. Quid jucundiùs; quam vivere ei, qui immen-  
sitatis suæ circulo infūbito continet omnem beatita-  
tem? cujus Potentiæ, nihil est arduum; sapientiæ, ni-  
hil obscurum; Majestati, nihil non subditum; Feli-  
citati, nullum non gaudium illigatum. Cujus tota  
vita in amoribus Divinis decurrat; ita ut ipsum ejus  
vivere, nihil sit, nisi Christum diligere. Ut ipsæ  
quas trahit, auræ, sint anhelitus amoris: ut omnes  
cordis reciprocationes, omnes arteriarum pulsus,  
omnes discursus spirituum, Christo dedificentur,  
tamquam nobiles impetus amoris: ut Christo cor  
se agitet, ei pulmo respiret; ei jecur sanguinem co-  
quat; ei sanguis in venas diffuat; ei venæ micent;  
ei ossa durentur, ei nervi se tendant; ei spiritus dis-  
cursent; ei calor vitalis æstuet; ei medullæ pingues-  
cant: Christo denique soli nutriatur, vegetetur,  
crescat, sentiat, cogitet, velit, vivat, moriatur. Ut vi-  
vas Christo, debes sic aspirare ad ejus amorem, sicut  
corpus assidue ducit anhelitum, auramque trahit.  
Nam si corpus affluxu aëris; anima vivit influxu  
Amoris. Tametsi, ut amor erga summum Bonum sit  
& ipse summus, debet cum aliquo discrimine æmu-  
lari anhelitum corporis: corpus aërem, quem ad  
se attraxit, mox velut inutilem rejicit; & pulmonem  
respirandi officinam, perpetuâ vicissitudine clau-  
dens, referansque, quantum auræ hausit, tantun-  
dem remittit. Non cadat hoc in animum tuum; ut  
Christi amorem, quem semel admisit, remittat; nam

quo momento hoc faceret, à morte occuparetur; unica enim animi vita, est Christum amare. Amoris in corde corruptio, est mortis in Anima generatio; illo fugiente, hæc accedit.

III. Imitare Davidem dicentem: (a) *Os meum aperui, & attraxi spiritum*, nec de illo remisso verbum adjungit. Sic cor tuum attrahat spiritum Amoris Divini; nec unquam illum remittat. Amor, tanquam spiraculum vitæ est; quod Deus homini à se formato de limo terræ spiravit in faciem; & reddi non potest, quin mors sequatur. Amor, est tanquam Spiritus sanctus; imò, est ipse Spiritus sanctus, quem Christus insufflando, Apostolis dedit: & utique voluit, ut repulsus ad se rediret. Anima igitur Christum, non respirando; sed continenti tractu spirando Amorem. Amor ejus in corde tuo exundet, atque exæstuet tanquam mare; sed non, ut tanquam mare refluat, & retrò vertat. Motus perpetuus, cujus inventio adhuc humana ingenia fatigat; in Amore tuo erga Christum emineat. Ignis amoris tui in Christo amando accensus nunquam dicat, Sufficit. Non sit Amor tuus, ut Sol; qui ad arduam septentrionis plagam enixus, cursum convertit, & iter versus depressum mundi polum relegit. Nullum sit amoris tui solstitium, nulla conversio; ascendat semper, sine standi mora, sine damno relapsus, symbolumque suum habeat, Plus ultra. Modus amandi Christum, sit sine modo. Et quomodò, ô Christe! amor meus, Divinitatem tuam ingressus, posset habere limites, cum ad nullum appellere terminum possit: in immenso igitur perfectionum tuarum campo se perdit; &

(a) *Psal. 118.*

& metâ destitutus non sistit nec resilit ; sed demum finitus, in spatio infinito evanescit : & quo vergat, nescit. Non offendit in Te terminum, undè se reflectat ; sed nec veritatem aliquam, per quam à rectitudine ardoris sui intraçtus feratur. Solis radius illapsus aëri, quanquam per illum se penetrat ; quia tamen à puro æthere intensius elementum incidit, à recto suo tramite aliquantum inclinatus desciscit. At amor meus, per simplicissimam naturam tuam progressus, omnesque perfectiones infinitas offendens ; nullam causam nanciscitur, ob quam flammæ suæ in Te amando lapsum etiam modicè inclinet. Itaque modus, & motus amoris mei sit unica tua voluntas ; solumque velim, quod tu ames ; solum amem, quod tu velis.

*Quod cupis, ipse volo ; quod non cupis, hoc quoque nolo.*

## 20. DIES DECEMB.

Illâ est vita hominum, ubi est lumen verum, quod illuminat omnem hominem. S. Augustinus annotat. in Job c. 10.

Christus, est  
lux mundi.

I. **S**ic se habet Deus erga genus humanum, & Christum : sicut oculus erga objectum suum, quod est, colores, & lux ; sine luce omnes colores sunt inaspectabiles. Tollatur fons omnis lucis, Sol, & hortis venustas, nemoribus viror, campis amœnitas, palatii splendor, mundo sua forma perit. Lux gemmis, lux floribus pulchritudinem præstat : à luce smaragdus, & amaranthus virent ; adamas, & narcissus albet ; hyacinthus, & crocus flavescent ; pyropus, & rosa purpurascunt. Sic Christus, lux mundi, facit,

ut